

digna tenebris æternis , vel non indigna communi luce ac usu .  
 Cave eapropter , Mi Lector ! mihi facias injuriam , & Tibi & mihi  
 parum honorificam : vanum me hic agere voluisse promissorem , hi-  
 atu inexplibili , & in Bibliotheca latente & promissa tantum , olim  
 hæc quoque mea locum esse repertura . Polliceor sancte & in  
 me prorsus recipio , me quidem meo non defutatum officio ,  
 si nec alii deficiant benevolo suo arbitrio , & Bibliopolarum inpri-  
 mis *aura lenior* & æquior meo adspiret labori . Itaque non *mea*  
*me limitabit* propria voluntas mutabilis , aut vituperabilis negli-  
 gentia , aut plena formidinis dissidentia : cum , quæ semel me ex-  
 citavit officii ratio , reique ipsius visa necessitas , ac sperata utilitas ,  
 nunquam non pari pondere mentem meam *inclinatura* sint : ni-  
 si a sententia vel *invitum* retardet dignæ occasionis penuria ,  
 vel *melius informatum* de hoc vel illo capite , prorsus abstra-  
 hat veneranda mihi *Doctiorum Virorum* publicata dissensio .  
 Utere ergo Tua libertate , Lector benevole & æquanime ! le-  
 ge , judica , commenda , promove , si *velis* : sin *nolis* ; abjice ,  
 redargue , indigna hæc mea pronuncia , & quovis modo re-  
 morare . Sic vero bene vale , literisque bonis fave .

I. Libelli X. pro *data occasione* *citius* edendi ,  
 & ex Manuscripto ad prelum aptandi .

I. **S**yllabus XXX. *Observationum Miscellanearum* , ad illustrationem  
 Ideæ Generalis Cursus Philologici Orientalis , ejusdemque V. In-  
 tervallorum & distinctorum quoque Graduum , ex *trecentis* aliis ,  
 exemplorum loco , selectarum .

II. *Dodecas Positionum* , ex *Repetitionibus Hebraicis* , in utrumque *De-*  
*calogi Exemplar* Ex. XX. & Devt. V. maxime in *Accentuationem* ejus du-  
 plicem , olim habitis , excerpta : ubi Tabulæ utriusque & convenientia  
 & discrepantia indicatur , & in quibusdam *Celeb. Lampii* obseruationes  
 Cl.I. Faic.I. Bibl. Brem. modeste examinantur : potissimum vero *Compositæ*  
*Accentuationis Decalogicæ* origo & fundamentum , antiquitas & autoritas ,  
 singu-

singularia & dubia , Patroni & Adversarii , usus denique Philologicus & Theologicus explicantur. Adjungetur *Appendix VII. Locorum Pentateuchi Samaritani*, a Codice Hebræo Athentico male discedentis, contra Morinum , Cappellum , Clericum & Whistonum.

III. *Discursus Historico - Critico - Didacticus* , de singularibus Hebraicæ Linguae Faris atque Prærogativis , summaque ejusdem necessitate & utilitate : in quo illius variæ ætates, periodi ac mutationes designabuntur ; Prærogativæ , ex ejus indole sacroque usū derivandæ , adstruantur & vindicabuntur ; necessitas autem atque utilitas , jam a me in *Fure postlimii* assertæ , exemplis hic declarabuntur , pluribusque Eruditorum Testimoniis porro comprobabuntur.

IV. *Conspicetus potiorum Veteris Testamenti Aphorismorum Criticorum* , juxta ordinem Collegii Critici , in Hexade Collegiorum a me delineati , formatorum : ut & *Prenotiones* necessariae de ipso Canone Hebraico , Fundamentalij ejus Lingua , Styli Biblici natura , Versionum meliorum origine , autoritate , veterum eruditarum usū & abusu , hodiernarum potiorum nimio ac justo pretio , enumerentur ; & *Organa Critica* , tam interna , quam externa in sensu quorundam Scripturæ Locorum investigando exerceantur ; & *Principia Pseudo-Criticorum* primaria , allatis oraculorum perverse expositorum speciminibus refutentur ; & *Merita* tandem *Gniso-Criticorum* , nonnullis etiam exemplis in medium prolatis , synoptice illustrentur.

V. *Pædagogium Lingue Hebraicæ sufficiens* , per XII. *Progymnasmata* , & ad ipsum *sanctoris Idiomatis Templum* , & ad diversa ejus Atria manuducens. Monstrabuntur autem **N.** *Progymnasmata VI. Essentialia* , & **D.** etiam *VI. Accidentalia*. **N.** Inter Essentialia est I. *Protheoria Elementorum Fundamentalis* , quæ totum Lingue accuratius cognoscendæ Artificium docet dependere 1.) a bene observato discriminè & genio Consonantium Literarum , & Gutturalium & Quiescentium , tam Radicalium , quam servilium : 2.) a natura Vocalium magnarum ac parvarum , & vicariæ earum , Sehevatis , & hinc derivanda Syllabarum constitutio ne justa atque mora : 3.) Toni sede ordinaria atque extraordinaria : & 4.) Mutatione punctorum regulari , ex hisce Principiis perscienter colligenda. II. *Modulus Paradigmaticus* , qui variam nominum , pronomini um , verborum & particularum , separatarum atque inseparabilium formam regularem breviter tradit ; cum anomala pleraque ad suum reduci que-

ci queant ordinem, ductu Fundamentorum Elementarium. III. *Isagoge Analytica*, quæ faciliorem Ruthæ Libellum Historicum exponere & resolvere doceat exactissime, ad calculos fundamentales pariter atque paradigmaticos omnia revocando, & quorumvis signorum formarumque rationem accurate reddendo. IV. *Enchiridion Syntacticum & Emphasiologicum*, quod potiores contineat Idiotismos, in quibus facilissima hæc Lingua, vel ab aliis, potissimum occidentalibns, Dialectis, vel a propria etiam sua analogia perpetua interdum discedat, venustosque pariat Hebraismos, in locis emphaticis obvios. V. *Tabula Accentuatoria*, quæ & prosaicæ, & metricæ, & simplicis, & compositæ Accentuationis schemata atque axiomata repræsentet, & in Cap. XXII. 2. Sam. Libri, collato Psalmo XVIII. parallelo, pensiculate exerceat. VI. *Exercitatio Synthetica*, quæ, ad perficienda omnia V. præcedentia Progymnasmata, ex variis Scripturæ Libellis & Capitibus, & elementa, & paradigmata, & analysin, & syntaxin, & accentuationem Hebræophilo reddat quam familiarissima, per repetitionem tractatorum absque punctis, & instituta Styli Hebraici exercitia, propriæque compositionis specimina imitantia.

¶) *Inter Extra-Essentialia* est I. *Epitome Chaldaica*, quæ Capita X. Babylonica, Danielis atque Efræ, juxta formam Grammaticam, ab Hebræa parum recedentem, exponere atque resolvere doceat. II. *Synopsis Lexicographica*, quæ in Scheda, ad instar Cubi Hutteriani disposita, Biblicas radices Hebræo-Chaldæas, in primis vocabula rariora, ex Leusdenii compendio annotanda, cum locis suis & significatione, laterculis propriis inserat. III. *Rudimentum Poëticum*, quod & sacros V. T. Poëtas, Mosen maxime & Jobum atque Davidem, quoad singularem stylum suum, cognoscat & imitetur; & modernarꝝ quoque Rhythmicam Poësin, ex Judæis atque Christianis Auctoribus evolvat, Christique beneficia ejusmodi Carminibus celebrare discat. IV. *Prægustus Criticus*, qui Judaicam Vet. Test. Divisionem in Paraschas & Haphtaras, ordinemque Librorum 24. & Masoreticas annotationes circa voces, literas earumque figuras, vocales, & accentus, & versuum numerum in fine quorumvis Librorum, intelligere quoad symbola sua, & dijudicare instruat. V. *Specimen Dialogisticum & Epistolare*, quo pacto & puriore Lingua Hebraica, cum Judæis, de promisso ipsis Messia, ex palmaris Prophetarum Oraculis aliquis colloqui, & instituto etiam cum iisdem, hic vel ibi forsitan convertendis, commercio literario, more Buxtorffii & Altingii, Ebraice queat agere. VI. *Prodromus Rabbinicus*, qui non modo characterem Judæo-Germanicum iis, qui inter

nos vivunt, usitatum legere tradat, sed ad ipsos etiam faciliores Rabbinos, Michlal Jophi, Kimchium, Aben Esram & Abarbanel, sine punctis, figura literarum rotunda scribentes, & saepius haud infeliciter Scripturam explicantes, aditum patefaciat, adiectis frequentioribus eorum signis tachygraphicis, & formulis usitatoribus.

VI. *Lucerna Critica, extraordinariis Bibliorum Hebraicorum Scriptoribus, Lectionibus, atque Annotationibus Masoreticis recens accensa:* in qua I. diversa & *Judaorum & Christianorum judicia* recensentur, & quid singula incommodi habeant, breviter enunciatur. II. *Nova Authoris sententia* indicatur IV. *Canonibus*, ubi primus est: singulares istae scriptiones, lectiones atque annotationes non possunt apte ad eandem aetatem & originem referri, sed natales suos probabilissime debent 1.) *Varia Librorum sacrorum Recensioni critica*, ab Esra, Collegio magno, Doctoribus sequentibus, in primis tempore Religionis, post Antiochum restauratae, viventibus, nec non Magistris Tiberiensibus, forsitan & aliis, institutae: 2.) *Codicum præstantiorum, forte Palæstini atque Babylonici, magnæ alias auctoritatis, dissensui*, Critico symbolo in bene multis Karjan & Catban dijudicando: 3.) *Recepta loquendi pronunciandiique consuetudini* in exemplis Pentatevchi נערה Gen. 24, 14. nec non ירושלים 1. Reg. 9, 14. Esr. 4, 8. in temporibus ante & post captivitatem, ut & Danielis דארין Dan. 2, 32. &c. 4.) *Religioni in nomine Dei יהוה* alienis scribendo ac proferendo vocalibus, saltem ætate sequiori: 5.) *Verecundia* in vocibus, tandem usu obscenis, cum aliis consuetudine honestioribus in legendō permutandis: 6.) *Libreriorum erroribus, codices mendose exhibentibus, & nunc voces, nunc literas vel bis, vel plane non scribentibus, vel transponentibus, vel cum similibus permutantibus: & tandem 7.) *Cabbalisticis symbolis, monitisque mysticis, & criticis notis, in Literis majusculis & minusculis, suspensis, inversis, vocibus superne punctatis, locis Piska, Tikkun, Ittur aut Sebhīr habentibus &c.* E. G. Lev. 13, 33. Deut. 6, 4. Deut. 29, 29. Ps. 27, 13. 1. Sam. 10, 22. 16, 2. 12. *Canon secundus*: Probe dispiciendum est, ad quam harum Classem hæc vel ista nota spectet, & quo fundamento probabili? *Can. tertius*: Ad exempla Karjan vechatban præsertim attendum: quia non habent numerum definitum, nec facile determinandum; multa, quæ non sunt, inter ea in codicibus quibusdam leguntur; & jam Keri, jam Ceribh, pro antiquorum Translationum suffragio & contextus serie preferendum est. *Can. quartus*: Omnia isthæc extraordinaria, atque anomala, & singularia, neque integratam codicum omni-*

omnium, vel Scriptura ipsius ac totius, neque *Sensus certitudinem* infringunt aut enervant. III. Peculiaris opinio Meritissimi B. Abbatis Hilleri, submodestum, *convictioni* tamen congruum vocatur *examen*, juxta hujus *Syllagismi* partes, atque ordinem, nostram hypothesis indicatam confirmatum: *Quodcumque systema*, 1. nititur fundamento dubio, incommodo & falso; quasi *Sopher* Esdras sua manu complura descripsisset exemplaria, & primorum Amanuensium scriptionem, tam variis literarum vocumque permutationibus, ex *Θεοννευσια* alterasset, omnesque variationes istæ symbolicæ, alia dein ætate a Masoretis aut Viris Synagogæ Magnæ sic excogitatæ, ad eundem ubique sensum concurrerent: 2. Karjan & Cetibhan modo tractaturum, male huic trahit *alias notas criticas* eo non spectantes e. g. alphabetum literarum, insolita figura exaratarum, vocumque punctatarum; vel saltem minus recte omittit alias annotationes, magis momentosas & expositione dignas, Piska, Tikkun, Ittur Sopherim & Sebbirin. 3. *Regulas* ad istam hypothesis salvandam effingit *novas* longe plurimas, nullam sæpe speciem veritatis habentes, & tum ex ipsis locis varie affectis, tum certe ex Judaica antiquitate merito refutandas. 4. *Finem* suum primarium, scilicet *integritatem* Sacri codicis Hebræi, contra *Cappellum*, *Vossium*, *Waltonum* & asseclas eorum vindicandam, hac sua sententia methodoque coacta adeo non *assequitur*, ut eandem ipsummet potius (dum *supra centenas lectiones* novas variantes, voces recens inventas & vocalibus inusitatis vestitas, in primis ex literis majusculis & minusculis & suspensis, & punctis extraordinariis derivatas, nec in ullo codice aut antiquo Scripto reperiendas, in gratiam suæ imaginariae hypothesis recens excogitavit) *inficto vulnere novo iterum* graviter sauciet: 5. in *aliis* denique, utramque etiam *lectionem*, & *textualem* & *marginalem*, ut genuinam agnoscentibus, nec tamen suam sententiam tam ingeniosa regularum atque exemplorum farragine exornantibus, *Polano*, *Broughtono*, *Ainswortho*, *Wasmutho*que jam ab aliis reiectum atque *refutatum* fuit: illud *systema* 1. recte censetur *tubricum*, 2. *imperfectum*, nunc abundans, nunc deficiens, 3. *minus caustum*, & per justas sequelas 4. *periculosum*, & non nisi inconfusulo zelo ac pietismo critico, (quasi divino afflatu aliquo inventum esset) ad tertium usque cœlum efferendum, ex judicio *Wagenseilii*, *Leibnitii*, *Heideggeri*, *Schudtii*, *Starckii*, aliorumque ejus Patronorum: imo potius 5. neque *recens effectum*, neque *dubiis solvendis idoneum*, criticæque indagini solidæ sufficiens, juxta viros mea laude superiores, *Pfaffum*, *Wolfium*.

*Carpzoviū. Atqui hoc &c. Ergo: Quemadmodum vero sacram Celeb. viri, mihiq; amicissimi, & suo me etiam Hierophytico destinatione ante B. obitum donantis, memoriam veneror, reliquosque ejus Libros, in primis *Onomasticum Biblicum*, toto peccatore exoscular, atque ipsum hoc illius *Arca num Kethib & Keri* (a quo me alienum esse modo rationibus ostendi) omni laude atque frumentu carere neutquam arbitror: ita pro aqua *Critici Senatus libertate*, neque manes *viri Beati* turbabuntur, neque alii in sinistram partem interpretabuntur, quod ab istiusmodi *Hypothesi*, tantis laborante difficultatibus atque incommodis, justam secessionem facere, post alios in genere quædam contra eam monentes, ego primus publice in *Lucerna hac Critica* aggressurus sim, omnesque dispositos ante istos quinque medios terminos pluribus publice expositurus; Deo annuente & occasione Bibliopolarum favente. Meam ipsius vero sententiam IV. ipsis potioribus Scriptionibus, Lectionibus atque Annotationibus Masoreticis in classes, antea partem memoratas, digestis confirmaturus, liberæque aliorum Censuræ publicæ ac scrutinio ulteriori subjecturus ero, & solcite una curaturus, ne quid *Authentici Textus integrati* decedat; ubi mea etiam varia asserta adstructurus ero ex optimis Criticis, Buxtorffis, Cappello, Hottingero, Amama, Waltono, Leusdenio, Heideggero, Vitringa, Clerico, Simonio, Glazio, Calovio, Pfeiffero, Reimmano, Cellario, Klemmio, Pfaffo, Michaële, Wolffio, Carpzovioque.*

VII. *Synthetica praxis Hebraica*, regulis, exemplis, atque subsidiis facilior redditæ. In hac I. collaudabit Methodum Analyticam atque Syntheticam, in linguarum studio universo conjungendam nexus individuo; maxime autem vulgo neglectarum Compositionum Ebraicarum necessitatem atque utilitatem, tum rationibus confirmabit, tum quibusdam huc spectantibus, Geieri, Buxtorffi, Pfeifferi atque Starckii testimonii stabiliet. II. subministrabit ob universalem Exemplorum istiusmodi defectum, XXX. *Exercitia Hebraici stylis*, & pericula Imitationum Phraseologiae scripturariæ: in quibus tum quædam Pentatevchi, Prophetarum & Hagiographorum capita, prosaica imitatione, & accentuatione plerumque adjecta, consequetur; tum etiam carmina nonnulla Davidis, Jobi, & Salomonis, stylo biblico Poëtico, & metrica accentuatione adhibita, eadem exprimet sequela; tum etiam Rhythmica quædam adjicit exempla; nec non Epistola nonnulla atque Colloquia subjunget. Porro III. ut expeditam Tironibus istam imitandi viam sistat, *Collectanea Hebraica Phrasologica*, juxta Titulos Latinos ordine alphabetico digesta addet, ad exemplum Florilegii Hebraici a Joh. Buxtorfio Fil. editi 1648. & instar speciminis

speciminis Phrasologicæ V. T. Hebraicæ Joh. Buxtorfi 1717. Francofurti editi, nec non ad modum Starckii Ebraicorum Etymologicorum Lips. 1709. ut Pfeifferi ac Schudii desiderium non memorem.

**HIX.** *Phænomena Accentuationis Hebraicæ* distinctius explicata, & ad *XL.* singularia Scripturæ *Loca* dilucide applicata, in *X.* Specialibus vero a Cel. *Clerici* negligentia & parhermenia studiose vindicata. Ubi I. refutabuntur, qui usum Accentuationis vel Musicum solum esse ajunt, vel Distinctivum solum, atque ita variis dubiis sese extricare nesciunt. II. Quadruplex, & *Grammaticus*, & *Musicus*, & *Hermeneuticus*, & *Rheticus* adstructur, & selectis ex omni Librorum sacrorum genere *XL. Locis*, ipsa praxi, quoad veritatem & utilitatem suam, plenius declarabitur, & præsertim *Accentuatio extraordinaria*, vel emphatica & affectuosa, ex quibusdam demonstrabitur. Tandem III. *Decuria Exemplorum*, ex recentioribus *Clerici*, (qui se nullam Accentuum habuisse rationem profitetur) egregiis alias commentariis de promenda, faciet planum, quam licentiosa & infelix sit Accentuationis ignororum hostium Scripturæ explicatio, hoc si vilius habeant adminiculum.

**IX.** *Pugna Versionum Orientis atque occidentis potiorum, critice composita*: in qua *XXV.* dubia Vet. Test. oracula, ex Metaphraseon, tum Chaldaicæ, Græcæ & Latinæ, ut meliorum antiquarum; tum Judæo-Germanicæ, Belgicæ, Anglicæ, Junianæ atque Schmidianæ, ut accuriorum modernarum collatione, cum Textu Originali, & nervosa nostrate Lutherana concise instituta, nec tamen aliis quoque neglectis, forte hic ibi cum iis comparandis, auspicio enodantur, quoad incertas suas voces, phrases, atque in hac vel ista translatione notatas Emphases, ut, si nec reliqua excludantur media critica, eo clarius elucescat Translationum utilitas varia, in exegesi curatore.

**X.** *Christognosia Antiquaria, sperandam Judeorum Conversionem magnam promotura*: in qua I. istius Conversionis non modo probabilitas & facilitas, ex parte Dei promittentis, sed & eandem per media commoda adjuvandi necessitas, ex parte hominum, afferatur. II. *Cognitione Messie* in Vet. Test. *Dictis* clarioribus investigetur, & Judæis proponatur, propter communem Antiquitatis ipsorum consensum: dum & vera istius *Kabbala* semper etiam ista loca, uti nostrum Nov. Test. ad Christum applicuit, & *Targumim* antiqua ad regem Messiam pari ratione, uti nos in illis respiciunt, & plurima *Rabbinorum* plerorumque & *Talmudistarum* loca, eundem, quoad characteres suos primarios &

scripturarios, describunt ac pollicentur *Messiam*, quem Christiani in suo Iesu Nazareno venerantur. Accedet *judicium de pietate & impietate Exegetica Hug. Grotii*, qui pleraque V. T. oracula de Christo, a nostris literaliter accepta, ad eum sensu tantum mystico, sed a Deo tamen quam maxime etiam intento, in notis suis applicat: ubi & ex quibusdam probabitur locis, mentem ejus non semper penetrasse *B. Calovium*.

## II. Tractatuli X, alii, ex *Miscellaneis accuratius pertexendi, & pro officiis gerendi ratione, ac Bibliopolarum arbitrio olim vulgandi.*

I. *Commentatio Philologico-Critico - Exegetica in Psalmum XVIII. collato 2. Sam. C. XXII. in qua 1. Literalis sensus investigatur operas Logico - Accentuatoriae, & Etymologico - Syntacticæ: 2. Collatio instituitur critica versionum atque commentationum nobiliorum: 3. Resolutio accuratior Exegetica subjungitur egregiarum 4. harum Questionum: a. Utrum Psalmus hic de Christo agat literaliter, an vero sensu mystico ad eum spectet? b. Cur bis legatur scriptum Carmen hoc Evcharisticum, & dupliquidem, cum prosaica, tum metrica Accentuatione propositum, quisve Textus alteri interdum videatur præferendus? c. Quænam sit vera Causa tot variationum, in Psalmi hujus & hemistichiis, & vocibus, & literis, & punctis, & accentibus? Num acu eandem tetigerint Cappellus, Abarbanel, Buxtorffius, Geierus, Hillerus, alii? d. Quæ commata, voces, accentus in hoc cantico serupulum interpreti adhuc movere queant, novaque videantur illustratione donanda? e. Quem usum singularem Critico polliceri possit, in arte, & Grammatica, ob στοδυναμιας rationem, & Accentuatoria, propter duplicates eidem Textui subjectos & prosaicos & metricos accentus, & Mæsoretica Κρισει, ob Karjan & Cetibhan in alterutra scriptione vel præsentiam, vel absentiam, vel prærogativam; tentanda accuratior, adhuc neglecta, συγκρισις utriusque paralleli loci? f. Quomodo versus plerique ac conceptus Scriptoris sacri ad Christianam ασκησιν nos debeant extimulare, juxta exemplum Cel. Geieri atque Frieschii.*

II. *פסכת סופרים Reliquia Masoræ sepulta: h. e. Tractatus Talmudicis voluminibus adjectus, & de Scribis Librorum sacrorum, eorumque*